

Falta resultado ainda di DNA-Test...

Ainda caso di Danny no por bay Corte

ORANJESTAD (AAN): Informe nobo cu DIARIO ta dispone di dje, ta indica cu por lo pronto caso di e politico, Danny v/d L. lo no worde presenta den Corte di Husticia.

Segun informe ricibi, e investigacion realiza a encera cu entre otro a laga DNA test worde haci, y esaki a worde manda pa exterior.

Agenda pa consulta Tripartiet ta cla

ORANJESTAD (AAN): Esaki ta e Agenda di e Consulta Tripartite, cu lo tuma lugar Dialuna awor.

Lo bay e.o. papia riba programanan di mantenimiento di derecho, como tambe combatimento di narcotrafico entre Hulanda, Antiyas y Aruba. Tambe ta papia di combatimento di terrorismo na Hulanda, Antiyas y Aruba, y aki ta papia riba vigilancia di frontera, con pa impone castigo, traficacion di persona, y labamento di placa.

Fuera di esaki, riba agenda tambe lo papia riba relato anual di RST. Ademas ta papia riba plan di maneho hudicial pa Guardacosta di Aruba y Antiyas. Tambe ta papia di comision di e posicion di derecho di Poder Hudicial, y tambe organizacion nobo Hudicial.

Pero te asina leu ainda e resultado no a drenta pa asina Ministerio Publico por deduci, si e acusacion a keda proba of no.

Manera ta conoci cu Danny ta worde acusa di a tene relacion cu un mucha muher menor di edad. E acusado a para riba un 'no', mientras tanto el a keda deteni pa varios siman y despues a cobra su libertad, pendiente su caso worde presenta den Corte di Husticia. Pero te na e momentonan aki esaki no por tuma lugar debi cu O.M. ta sperando riba resultado di e test di DNA cu a worde haci

Lunanan ta pasando y tambe e hoben politico aki tambe kier pa e caso aki sigur rapidamente worde presenta pa su futuro carera.

Ta conoci cu Danny ta un candidato potencial, pero e ta riba un *hold* relaciona cu e caso cu ta pendiente.

E aña aki tambe ta crucial ya cu esnan cu ta encarga pa entrega lista politico den e caso di Danny e lista geel tambe ta ansioso pa sa si e lo

por worde postula. E ultimo eleccion el a aparece riba lista di MEP y a logra di contribui cu basta voto. Pero e denuncia contra di su persona a hinke den un skina apesar cu e ta nenga e

acusacion ta pone den un position basta fastioso. No ta conoci si ki tempo su caso ta bin dilanti pa asina clear su number.

Ultimo tempo ta worde scucha comentario cu kier

dek e caso, pues pa e bay den e conocido "doofpot", pero esaki lo ta masha dificil y lo no cumbini e politico, e tin di cana cu cara na laira y laga kita tur mancha, duda cu por tin den su direccion.

USA3000 ta cuminza bula di Chicago pa Aruba pa solamente \$199

ORANJESTAD (AAN): Diahuebs atardi, e aerolinea "USA3000" a anuncia cu nan lo cuminza bula di Chicago pa Aruba, pa solamente \$199 one way.

USA3000 Airlines ta un di e aerolineanan conoci como "low-fare" pero cu servicio completo. Nan a caba di agrega Aruba como un destinacion nobo den Caribe.

Nan lo ta bulando un biaha pa siman for di Aeropuerto O'Hare na Chicago riba Diadomingo. Nan prijs ta cuminza for di \$199, sin conta belasting y demas cargo pa one-way. Nan lo cuminza Diadomingo 23 di Januari 2005.

Vuelo 580 lo sali di Chicago pa 6:55 am, y ta yega Aruba pa 2:00 pm. Despues Vuelo 581 ta bandona Aruba pa 3:00 pm, y ta yega Chicago O'Hare pa 7:55 pm

USA3000 ta ofrece pelicula abordo di tur pelicula, tambe nueve canal di musica, y ta sirbi cuminda gratis, y abordo tin hopi revista pa pasaheronan lesa.

Aruba sigur ta duna bon bini na un vuelo asina barata for di e parti Midwest di Merca. Pasobra otro destinacionnan di Mexico tabata 'mata' e otro paisnan Caribense cu pasashi asina abao. Awor Aruba por hala un tiki rosea back.



E MALESA YAMA SAUCE DI PINDA?!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Nos tin

hopi tipo

di luz pa

Lighting

Parade.